

中國宗教歷史文獻集成之一

藏外佛經

新華書店
PDG

中國宗教歷史文獻集成編纂委員會編纂

藏外佛經

第二十一冊

黃山書社

新華書店
PDG

图书在版编目(CIP)数据

中国宗教历史文献集成. 21, 藏外佛经/周燮藩主编; 方广锬分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117043 号

数字图书馆
PDG

藏外佛經第二十一冊目次

重修曹溪通志八卷 馬元 釋真樸重修
清刻本

少林寺志 葉封著 清刻本 二一二

天童寺志十卷 聞心泉等纂輯 清刻本 三〇〇

天童寺續志二卷 釋蓮萍纂輯 民國木刻本 四八一

南朝寺考 劉世珩著 民國鉛印本 五八六

馬元 釋真樸重修

清刻本

重修曹溪通志八卷

重修曹溪通志

馬元
釋真樸
重修

曹溪舊志序

佛之爲言覺也覺一切種智開覺有情如夢斯覺詩云佛時仔肩空桑氏曰先覺覺後覺其是之謂乎普度衆生以證菩提豈與小乘之禪枯槁寂滅爲聲聞而已者同乎哉余不嫻佛典而獨好曹溪壇經則其破諸妄相罔棄倫物真性自脩且云不必禪戒本來無物旨哉言乎匪遽淪空遺身如世儒所詆者也張商英曰吾學佛而後知儒此以佛券儒也司馬溫公作解禪偈此以儒券佛也明其道以道之奚必與媾爲闢以見其捷而滋之爭乎觀察周君爲余言清上人由牢山飛錫南海潛心曹溪獨得南宗密諦余門人朱生完劉生克治克平言清上人與觀察合及見上人以所著曹溪志問序於余時方倥傯行間未遑也逾年不佞被放以杪秋發夕上人復偕韓孝廉上桂朱劉二三子送余中宿峽中前請余惟志也者志也述往事思來者以有所取義作者之志也曹溪爲勝地其事則能大師其文則歷代制書暨諸哲匠名卿之有事于茲土者其取義則欲後之人紹明其緒

覃精性命之際意在斯乎靈鷲逸矣南嶽以南此爲
粵區西天寶林智藥發嘆斯葦殊之五臺法蘭之崑
嶽也作山川形勢志釋迦天人之師傳衣授鉢達磨
西來至于南海壁觀之後可得厥髓可以是以傳之樂
璨以是傳之信信以是傳之忍忍以是傳之能心印
相傳二枝五派沾溉羣品作道脉源流志曹叔良魏
武之子孫陳亞仙夜郎自雄並以杭越食報茲山寶
林中興法泉南華不常所名作興廢沿革志弟子四
十有三人青原南嶽永嘉實稱高足宗分派衍幾遍

曹鑑通志

字

二

震旦作傳燈人物志祇陀太子施樹爲佛說法塵騰
西來爰始白馬精舍浮圖自此興曹溪伽藍莊嚴無
異陶謙所爲然詎曰一人之力作建制規模志王通
氏稱佛爲西方聖人張文定謂曹溪超乘子與故歷
代帝王宰官暨循吏之吏茲土者莫不聞法隨喜光
崇斯道以衛三寶匪直資生之施而已作王臣外護
志曹陳檀施以來厥田爲上上豪強兼并蠶食代有
鄉者有司過聽齷生因緣厥田以罄僧僧患苦疲命
轉徙吏急催科如捕亡賴陳韶州劉中都解不調之

悲而更張之爰復厥常有所息踵茶椒併欄之供豈
曰惟正哉吏茲土者稍與之休息先以簿正毋束濕
薪可也不然田卒汙萊寶林鞠爲茂草矣作香火供
奉志長老上座僧之模範大智清規可爲法程至明
也今之住持失其職矣首座知殿而下各有司存作
清規典職志曹溪衣鉢傳之佛祖經像頌之歷代物
產施之檀越吏茲土者不務自明其道或毀其器或
侵漁其田悲夫作常住庫藏志詩言志歌咏言言心
聲也心聲出于口君子小人見矣宋之問唐之穰人

曹鑑通志

字

三

其謁能禪師豈皈依三寶以滌厥末路耶眉山廬陵
田峻暨子皆知其名由唐宋以迄于今疇文而行疇
文而無行疇有行而言之無文得失之林具是矣作
品題詞翰志凡爲卷四爲品十其事核其旨遠宗門
良史哉非第以文而已也覽者神而明之庶幾清上
人之志也有能紹明其緒覃精性命之際意在斯乎
意在斯乎

萬曆二十六年九月既望

賜進士第資善大夫總督兩廣軍務兼理糧餉帶管

監法巡撫廣東等處地方都察院右都御史兼兵部右侍郎維揚陳大科思進甫書于滇江舟中

又

天人一也呼吸相隨人有是事則天應以是人方其未至蔑如也至則莫不曉然知其有待蓋予嘗慕曹溪性宗結屋韶石往還甚熟覽其志甚不稱未幾赴闕於燕邸得慈山緒言讀之愛其文雅旋得觀光儀類其文就意數年間飛錫南來竟爲曹溪作志耶曹溪我

曹翁通志

序

四

盧祖說法地當時得法者青原南嶽爲冠其後衍爲五宗子孫布滿寰宇皆祖曹溪可知其地之勝矣顧非慈上人慧性超悟克紹宗風文藻優長辯才無礙安能部分臚列綱舉目張創例發凡掩前光後者也昔人云江山如有待寧不信然洪惟

盧祖之學以見性爲宗自佛教入中國學者類以名相求佛而自性功德自性西方自性戒定慧等語始揭西來之意學佛者自此始識宗趣法弘化開蕪及儒流若周子得之壽厓程子又得之周子其名教雖

遵六籍而其密義實取諸壇經也其書具存要不可掩然則我

盧祖豈特有功於釋抑亦有功於孔矣且性者生民之命脉也日用不知罔生罔死則亦已矣其間號爲賢智者而不知則其穿鑿多事害及家國何可勝言故見性之學爲天地立心爲生民立命爲往聖繼絕學爲萬世開太平之樞要也然則斯志之作闢繁匪輕而慈上人心存普度隨機接引單提本來無物之旨醒悟磨磚拾磈之徒則旣身志之矣而後以文者也又不大有功於

曹翁通志

序

五

盧祖哉夫性宗不闢則聖人脩道立教之意荒故天生

盧祖以闡之

祖蹟不彰則衆生渴仰悲慕之誠薄故天生慈上人以彰之吾故曰人有是事則天應以是人非偶然者斯舉也予年友觀察海門周公實托重焉其本末節目具大中丞督府陳公前序中茲特舉其概以俟同志謹序

萬曆二十七年六月望

賜進士第通議大夫吏部右侍郎兼翰林院侍讀學士前南京吏禮二部侍郎國子監祭酒玉牒纂修經筵講官歸善楊起元頓首撰

又

余移官嶺表因得至韶水上曹溪瞻禮

六祖真身方度嶺初地見一華表卓立題曰禪林洙泗因竊嘆禪本曹溪儒宗泗水彼此相況庶幾迎之蓋嘗繼論宇內名區所在賢聖托蹟在峨嵋則有普

曹溪通志

序

六

賢在五臺則有文殊在補陀則有觀音非不各稱靈奇然而智者見斯了然苟非其人不生奇特之想即起渺茫之疑者不少矣後在少林則有初祖在黃梅則有忍師自是東土真宗然而一雨初滋真言未普單辭密語鍊壁懸崖中根俗士湊泊不易矣惟至大鑒肇生曹溪說法而後上下俱接顯密齊彰數卷壇經何殊論語隨緣率履不越尋常夫人試觀新州百姓而知佛祖卽是凡夫也觀安置毋宜而知出家卽是在族也觀隱身避難而知神通卽是見用也觀平

曹溪通志

序

七

直頌偈而知法語卽是恒言也觀問難請益而知機鋒卽是唯諾也觀香泉寶嶺而知西天卽是東土也上智上根一毫不得馳騁愚夫愚婦隨人可以與能闢佛者足自相忘無言崇佛者庶幾不入岐路下學上達與孔同旨承前啓後與孔同功以曹溪擬洙泗豈不庶幾近之哉嗟乎宇宙卽有此溪山直至梁時寶林斯稱至唐斯顯謂非天地造設以待真人不可自師之顯以迄於今棟宇千楹山田千頃僧徒千衆香火千年一毫不改引之更自無窮謂非人天呵護以衍真傳不可蓋自杏壇孔林而外於此爲奇甚矣曹溪之不可不到也余作禮既竟聿詢掌故僧持呈示而余嗟未稱意與重脩特難其人旣入五羊長千慈山清公恩遺在省公戒律凜嚴明理精透辯才無礙是古大慧覺範之流亞堪任是事因以屬之而公首肯明年余入賀北走又明年志成公寄示且命以序余辭而公命無已夫事匪偶然人如有待若茲地以待大師是靈山聖祖妙合不違茲志以待清公是異蹟名僧相期不爽乃以茲序命余不知清公奚取

焉因其命終不可謝而敬序以此余入嶺表在萬曆
丁酉別清公以戊戌志成在己亥庚子之間而余序
在甲辰云

賜進士出身雲南布政使司左參議前廣東按察司
僉事古剡周汝登撰

前錄通志

序

重修曹溪通志序

粵自禹功告成山川久奠而曹溪
之名至智藥始著

佛入中國以後閱二十七世

初祖東來更六傳而爲

盧祖方應百七十年之讖再造寶林
又千餘年

愍大師力闡南宗爰修通志豈非
荷道得人則地靈協應而盛衰興
廢之故胥有天焉以主之哉攷之
紀載代起道場建制不一

熙朝御寓并包八荒

特簡

平藩底定海國偉伐用懋帶礪申盟

少保公濟美光前壘箎唱和時駐霓旌暇依淨土古今未盡毅然興新制府少司馬金公風行政速百粵澄清

大中丞劉公虛懷樂善吏戢民懷暨諸臺使眷懷方丈妙選總持遂迎雪公專攝寺主予承乏斯土躬詣

祖庭瞻禮之餘應接不暇留止宿始識雪公眉宇清癯蘊藉鶴立不羣依依別去歸檢舊志將以折衷及展卷而斷簡殘編蕪穢特甚因屬雪公亟爲校輯不兩月以成書見貽予受而卒業疑義頓析今其篇中首攬形勢崇始基也次列規

模舉大綱也而源流人物次之弘正法慎傳心也而王臣勅銘名流詞翰又次之廣調護尊表章也庶見名山重開面目不特領要足供臥遊矣蓋雪公爲

右齋黃先生里人又爲木陳和尚高座木和尚

詔入對因事納忠多所啓沃觀其語錄可佐史材雪公時在記室天下事洞若觀火是書之成芟繁就簡節解支分類皆運以斧斤而神明其意真

盧祖功臣也而 慈公遺訓若養人材治恒產固根本諸大端一經拈

出深省羣蒙尤願舉而力行俾從
前締造之艱難後此維持之堅苦
傳諸厥躬永永無間將人事既定
亦能勝天何況坐具常浮香泉更
湧此際因緣正同水乳耶予以凡
材樂窺蘊義幸附不朽地主分榮
獨是曹溪僅一隅之勝耳郡領六

序

邑凡夫風俗貞邪戶口盈縮以及
山水靈奇賢人隱見久厪博採未
得舊聞是在諸君子網羅故乘相
與有成母俾通志一書獨擅千古
予固有厚望焉

康熙十年歲次辛亥孟冬朔四日知
韶州府事前湖廣等處提刑按察

使三韓馬元頓首撰



序

重修曹溪通志序

單傳直指之道謂肇自

初祖西來此未取吾儒之說而深究之矣凡知生知性朝聞夕可皆宗門之妙旨人自習焉不察耳初祖遊梁時佛法流東已五百年此來惟剷除二病其一以有爲福德當

戶

六

佛法者故答梁武造寺度僧之問曰實無功德其一以有所得心爲佛法者故答聖諦第一義之問曰廓然無聖墮此二見何有吾宗若世儒之蔽但依傍四端影響作活計稍涉蘊粵輒詆爲虛無噫微言絕學千聖同源豈儒家者流僅訓

詰修飭而已哉世喪道也久矣少室六傳是爲

六祖實惟唐之中葉祖以新州樵子得黃梅心印大庾一鉢力舉不勝此一異也隱獵人隊中十八年人無知者追風旛問答逗漏機緘遂四衆歸誠人天作範曹溪一袈裟

序

五

地覆谷彌山又一異也其根柢所存有不可以智知不可以識識者以尋常之思擬而測至人之應迹豈非取螢火以焚須彌者哉再傳而至大寂九十三賢一時並出於是五宗派列枝枝葉葉遍地兒孫矣曹溪一涴遂與洙泗同流夫豈

偶歟曹溪之有通志自

愍大師始也斯時曹谿中落裨販輩攘竊其間大師奉旨戍粵得以中興祖庭僉謂天幸平湖家宰陸公暨其區石簣諸賢頂背相望皆海內弁冕一皆以導揚佛法爲已任實左右之而愍山之道益光愍

山之道曹溪之道也今距其時七十餘載完者以地舉者以廢乃篤生

賢王以底定

國家之餘力而金湯大法垣墉塋塗庶幾復還舊觀矣

太守馬公曰寺成而志容緩諸則

34

以屬之 住持雪公雪公者濟宗

之嫡嗣雪公之道愍山之道也予之守端也新爲屬得近光其鄉方厚自幸適志成而 馬公以其序命既不獲辭竊維茲之羣力畢赴或亦馮陸諸君子乘願而來使後先輝映者乎予何足以知之則以

告之吾徒之虛無其道者曰曹溪之道吾儒之道也讀是志者幸取吾儒之說而深究之庶不河漢乎其言矣

康熙十一年仲夏

賜進士出身知肇慶府事前兵部職方清吏司郎中毘陵史樹駿序



重修曹谿通志目錄

卷首

圖志 凡例

卷一

山川形勢第一

山 峰 嶺 石 泉 水

井

古蹟

降龍塔 伏虎亭 拜石 坐石

曹谿通志目錄

避難石 腰石 飛錫橋 招隱巖

卓錫泉 花果院 亞僊墳 亞僊祠

曹侯村 雪濤泉

建制規模第二 附香火供奉

殿 堂 塔 樓 閣 厨

庫 門 巷 廟 亭 院

橋 塔幢 塔院

卷二

道脉源流第三

傳燈人物第四	繼席宗匠第五	佛法提綱第六	卷三	王臣外護第七	勅	王臣外護第七	序	卷四	碑記	卷五	塔記	疏	卷六	王臣外護第七	書	卷七
	附住持 過化	附微揚		之上	勅典 序 碑記	之中	文 碑記		引		碑銘 銘 跋 塔銘	啓		之末	實錄 法語 偈 傳贊	

品題詞翰第八	詩	卷八	詩
--------	---	----	---